



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Praeceptvm VI. Non furaberis. Canones P[o]enitentiae. Si quis contra hoc
pr[a]eceptum aliquo modo peccarit.

urn:nbn:de:hbz:466:1-11399

trahit, pœnitet quinque annis, & duobus in pane & aqua.

Pœ R. tit. 1.
c. 7.
Bur. lib. 19.
Anf. lib. 11.
c. 62.

Si quis aliquem vulneraverit, vel ei aliquod membrum præciderit; pœnitentiam agat vno anno per legitimas ferias: siq; cicatrix grauis est, vt vulneratum deformè reddat; quadraginta etiã dies pœnitet in pane & aqua.

Pœ R. tit. 4.
c. 19.

Si quis ictum proximo dederit, nec nocuerit; tridui pœnitentiam agat in pane & aqua: clericus, vnius anni & mensum sex.

Pœ R. tit. 5.
c. 16.
Anf. lib. 11.
c. 36.

Si quis aliquem per iram percussit debilitauerit; soluta medicamento impensa, si laicus est, pœnitens erit quadraginta dies in pane & aqua: si clericus, duas quadragesimas: si diaconus, septem mensibus: si presbyter, vno anno.

Pœ R. tit. 1.
c. 16.
Anf. lib. 11.
c. 33.

Si quis Episcopus homicidium fecerit; in pœnitentia sit quindecim annis, dignitatisq; gradu amoueat, vitãq; suã cursum peregrinando conficiat. Presbyter penitens erit annos duodecim: quatuor ex his in pane & aqua; & Sacerdotij gradu priuetur: Diaconus annos decem; tres ex his in pane & aqua: clericus inferioris ordinis, annos septem; tres in pane & aqua.

Bur. lib. 10.
c. 60.

Si quis fratri suo quem oderit, reconciliari non vult: tamdiu in pane & aqua pœnitentiam agat, quoad reconcilietur.

PRECEPTVM VI.

Non furaberis.

Canones Pœnitentiæ.

Si quis contra hoc præceptum aliquo modo peccarit.

Pœ R. tit. 4.
c. 14.
Bur. lib. 19.

QVI furatus est aliquid de ecclesię suppellectili, vel thesauro: quod sustulit, reddet; & tres carinas eũ septem sequentibus annis pœnitet.

Ibidem.

Qui sacras reliquias furatus est, illis restituis septem carinas ieiunabit.

Pœ R. tit. 4.
c. 1.
Bur. lib. 11.
c. 27.

Pecuniam ecclesiasticam furatus, quadruplum reddet; si quid item de ministerio ecclesię aliquo modo surripuerit, pœnitens erit annos septem.

Si quis vel ecclesiasticas oblationes rapuerit, vel rapientibus consenserit;

quadruplum restituet, & canonicè pœnitens erit.

Sacrilegus, rerumve ecclesiasticarum inualor; vno anno extra ecclesiam Dei maneat: secundo anno pro foribus ecclesię sine communione maneat: tertio anno in ecclesia inter audientes sit sine oblatione; carne, vinoque abstineat, præterquam in Pascha, & die Natali: quarto anno, si fructuosus triennio pœnitentię fructus extiterit, cõmunioni fidelium restituatur, ea lege, vt spondeat, se in posterum tale quidquam non commissurum. ac præterea sine esu carnis, & potatione vini, vsq; ad septennium pœnitens permanebit.

12. q. 2. 17.
Ex ep. Nicolai Papæ ad Frontanum Arch. Burdeg.

Qui ecclesiam incenderit, illam restituet, pœnitentiãq; agat annos quindecim, & pretium det pauperibus. Itidem qui incendio consenserit.

Pœ R. tit. 4.
c. 17.
Bur. lib. 19.
17.9.4. c. 14.

Si quis malo studio, vel odio, vel vlciscendæ iniurię causã, incendium commiserit, committive iusserit, curauerit, aut incendiario auxilium, vel consilium scienter dederit, excommunicabitur: si mortuus erit, christiana sepultura carebit. Nec verò absoluetur, nisi danimum pro facultatibus refarciuerit; iuretq; se in posterum tale facinus nõquam admitturum. Pœnitentia præterea hæc ei constituetur, vt Hierosolymis, aut in Hispania, in seruitio Dei totum annum permaneat.

Iunon. paucor. c. 16.
Ann. 11. in Sy. R. c. 8.
23. q. 8. c. 32.
Pœ R. tit. 8.
c. 17.

Si quis sepulcrum violauerit; pœnitens erit annos septem: è quibus tres in pane & aqua.

Pœ R. tit. 4.
c. 7.
Iuo pa. 17.
c. 44.
Bur. lib. 19.

Qui sepulcrum infregerit, vt defuncti sepulti vestimenta suraretur; pœnitens erit annos duos per legitimas ferias.

Qui de oblationibus, quæ ecclesijs factę sunt, aliquid retinuerit: pœnitens erit dies quadraginta in pane & aqua.

Bur. lib. 19.
de obl.
Pœ R. tit. 1.
c. 16.
Bur. lib. 19.
Pœ R. tit. 1.
c. 16.

Qui decimam sibi retinuerit, aut dare neglexerit; quadruplum restituet, & pœnitentiam agat dies viginti in pane & aqua.

Qui hospitalis domus administrator aliquid de administratione subtraxerit, restituet quod abstulit; pœnitensq; erit annos tres.

Pœ R. tit. 1.
c. 31.

Qui pauperem oppresserit, eiusq; bona abstulerit: reddet ei suum, & pœnitens erit dies triginta in pane & aqua.

Bur. lib. 19.
Pœn. cap. 9.

Cle-

Clericus furtum capitale faciens; septennij penitentiam explebit, laicus quinquennij: & quod furatus est reddat.

Pœ R. tit. 4.
c. 4. c. 5. de
fur.

Si quis per necessitatem, cibum, vel vestem furatus sit; in penitentia erit hebdomadas tres: si reddiderit, ieiunare non cogitur.

Bur. lib. 19.

Qui fregerit noctu alicuius domum, aut aliquid auferet: pretium reddet, & penitentiam aget annū in pane & aqua; si non reddit, annos duos.

Idem.

Si quis furtum de re minori semel, aut bis fecerit; restituta re, penitentiam aget annum vnum.

Pœ R. tit. 9.
c. 4. 14. 9. 1.
c. 6.

Qui rem inuentam non reddit, furtū committit: idcirco tanquam de furto penitentiam aget.

Pœ R. tit. 9.
c. 4.

Si quis vsuras accipit, rapinam facit: ideoq; quicumq; illam exegerit, penitentiam aget annis tribus, vno in pane & aqua.

PRÆCEPTVM VII.

Non mœchaberis.

Canones Penitentia.

Si quis contra hoc præceptum aliquo modo peccarit.

Pœ R. tit. 3.
c. 1.
Bur. lib. 19.
tit. de for.
Syn Mel. c. 7

SI laicus solutus cum femina soluta concubuerit, penitens erit annos tres: & quanto sæpius, tanto maiori penitentia afficietur.

Itidem, qui cum ancilla coierit.

Sy. Mog. c. 9
Pœn. R. 16.
c. 1.
Bur. lib. 9.
c. 69.

Vxor, conscio viro mœchata, ne in obitu quidem communicabitur: si dignam penitentiam egerit, post decem annos sacram communionem sumet.

Si quis vxorem nolentem adulterium perpetrare coegerit: penitentiam aget dies quadraginta in pane & aqua, & septem præterea annos, è quibus vnum in pane item & aqua.

Ex pœ. ver.

Si quis coniugem fornicari consenserit; diebus omnibus vitæ in penitentia erit arbitrio periti sacerdotis.

Sy. Nan. c. 14
Iuo par. 8. c.
207.

Vir solutus, si cum alterius vxore adulterium commiserit: penitentiam aget annos septem; mulier quinque.

Bur. lib. 9.
c. 70.
Ibidem.

Mulier soluta, cum alterius marito adulterium patrans, penitentia afficie-

tur decennali: ille quinquennali.

Si quis maritus semel lapsus est, penitentiam aget annos quinque.

Si sæpius mœchatus est, in fine mortis est conueniendus: siq; promiserit cessaturum, dabitur ei communio.

Qui sæpè fornicatur, laicus cum laica, penitentiam aget tres annos.

Si quis vxorem simul & concubinam habuerit; in penitentia erit annos septem, & amplius pro ratione culpæ.

Maritus si ancilla concubina vtitur, penitentiam aget annum vnum, quadraginta dies, & legitimas ferias tribus mensibus. Illa si inuita violatur, quadraginta dies; si consentiens, quadraginta dies, & legitimas ferias.

Qui cum vxore sua turpiter concubuerit, penitens erit quadraginta dies.

Si quis adolescens cum virgine peccauerit, penitentiam aget annum vnum.

Qui puellam, aut mulierem libidinosè obrectauerit, si clericus est, quinque dies; si laicus, tres dies penitentiam aget: monachus, vel Sacerdos, à ministerio suo spensus, penitens erit dies viginti.

Si quis in balneis cum muliere se latauerit, penitentiam aget triduo.

Qui concupierit virginem, quam postea vxorem duxerit, penitentiam aget annum vnum per legitimas ferias: si verò non duxerit, annos duos per legitimas ferias.

Si quis mulierem a'ij desponsam in matrimonium duxerit; eam dimittet: & penitens erit quadraginta dies in pane & aqua, cum septè annis sequentibus.

Vidua quæ stuprum admiserit, penitentiam aget annum totum, & præterea in altero anno dies ieiuniorum.

Si quis cum vxoris suæ sorore per imprudentiam fornicationem admiserit; penitentiam sibi indictam aget, si probauerit se tale scelus inscienter fecisse.

Cum duabus sororibus fornicatus, penitentiam aget toto suæ vitæ tempore. item

Qui cum duabus sororibus, vel cum nouerca, vel cū sorore sua, vel cum amita, vel cum nuru, vel quo deniq; incestū admiserit: ab ingressu ecclesiæ abstinere annos septem: quo anno præter festos dies pane solū & aqua vtitur, ar-

ma

Syn. Ellib. 69.

Pœ R. tit. 3. c. 4.

Bur. lib. 9. c. 67.

Syn. Ellib. 4.

Pœ. Bed. c. 1. Ex Concil. Tol. 3.

Pœ. lib. 19.

Pœ. R. c. 11.

Pœ. Bed. c. 1.

Pœ. R. c. 17. Bur. lib. 19.

Bur. lib. 19. c. 138.

Bur. lib. 19. c. 138.

Pœ. R. lib. 19. c. 1.

Pœn. Bed. c. 2.

Pœn. R. c. 1.

Pœn. R. c. 7.

Sy. Mog. Bur. lib. 19. c. 8.

Iuo p. 9. c. 107. Tart. lib. 1. c. 30.